



## TUŽILAŠTVO BiH Epilog najopsežnije istrage za organizirani kriminal



Detalj s hapsenja optuženih u aprilu prošle godine

# Podignuta optužnica protiv 19 dilera droge

Krijumčarili marihuanu, heroin i kokain s područja Albanije i Crne Gore u Bosnu i Hercegovinu te dalje prema teritoriju Hrvatske • Uhapšeni u akciji "Šetač"

Tužilaštvo BiH podiglo je optužnicu protiv Aleksandra Ivkovića (29), Zorana Tubića (33), Ajlina Ahmića (30), Bojana Čalasana (27), Igora Milutinovića (32), Borislava Bajića (49), Aleksandra Šutovića (28), Zorana (23) i Nikole (59) Pilatić, Dražena Primorca (27), Novice Trklje (39), Vladimira Grubačića (33), Miljana Kuljića (40), Draženka Ivkovića (31), Dragana Gačića (34), Vučkašina Dželetovića (38), Dejana Vučinića (25), Ranka Koprivice (27) i Vladimira Antovića (40).

### Pranje novca

Ovih 19 osoba, koje su s područja Bileće, Trebinja, Ljubuškog, Banje Luke i Sarajeva, terete se za organizirani kriminal u vezi s neovlaštenim prometom opojnih droga i pranjem novca.

Uhapšeni su u akciji "Šetač" izvedenoj u aprilu



Tužilaštvo Sudu BiH dostavilo više od 500 dokaznih materijala prošle godine.

Oni su, kako se navodi u optužnici, u razdoblju od 2010. do 2013. godine, djelujući kao organizirana kriminalna skupina formirana radi međunarodnog krijumčarenja velikih količina droge, u više navrata prokrijumčarili desetine kilograma

ma marihuane, heroina i kokaina s područja Albanije i Crne Gore u Bosnu i Hercegovinu te dalje prema teritoriju Hrvatske.

Krijumčarenjem su stekli nezakonitu imovinsku korist u iznosu od više stotina hiljada KM, koje su pojedini optuženi ulagali u ku-

povinu skupocjenih automobila ili drugih vrijednosti te na taj način ubacivali nelegalno stečen novac u finansijsko poslovanje, čime su počinili i krivično djelo pranje novca.

### Saradnja agencija

Ova optužnica rezultat je rada Tužilaštva BiH i MUP-a RS, SIPA-e, Granične policije BiH te MUP-a Kantona Sarajevo u zajedničkoj, uporednoj istrazi s policijskim i pravosudnim agencijama Hrvatske, Crne Gore, Srbije i Albanije.

Preostali pripadnici ove međunarodne kriminalne skupine procesuiraju se u Crnoj Gori i Hrvatskoj.

Optužnica u kojoj je predloženo više od 500 dokaznih materijala i saslušanje više od 100 svjedoka optužbe prosljedena je Sudu Bosne i Hercegovine na potvrdavanje.

Am. KOVAČ